



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

25 MAC 2022 (JUMAAT)



KERATAN AKHBAR DAN MEDIA ONLINE (KPDNHEP)

25 MAC 2022 (JUMAAT)

Bekal petrol ke 'seberang'

680,200 liter minyak petrol RM5.5j dirampas di Pangkalan Sungai Pegagau, Semporna

Oleh Juwan Riduan
am@hmetro.com.my

Kota Kinabalu

Satu sindiket penyeludupan minyak petrol ke negara jiran berjaya ditumpaskan dalam serbuan di Pangkalan Sungai Pegagau, Semporna pada Selasa lalu.

Serbuan dijalankan oleh Cawangan Perisikan dan Siasatan Khas (CPSK) Jabatan Keselamatan Dalam Negeri dan Ketenteraman Awam, Bukit Aman bersama Pasukan Gerakan Am (PGA) Briged Sabah itu merampas 680,200 liter minyak petrol bernilai RM5.5 juta.

Komander Briged PGA

Sabah Senior Asisten Komisioner Abdul Rani Alias berkata, bertindak atas maklumat, Pegawai Koordinasi Operasi Khas CPSK Bukit Aman bersama pegawai dan anggota Batalion 14 PGA Tawau menjalankan risikan sebelum serbuan dilakukan di kawasan berkenaan.

Katanya, sebaik serbuan dijalankan, pasukan operasi berjaya menahan tujuh individu yang sedang melakukan kerja pemindahan minyak.

"Semua individu yang ditahan berusia lingkungan 26 hingga 42 tahun yang

terdiri daripada kru kapal dan pemandu lori.

"Hasil pemeriksaan mendapati semua minyak yang dirampas adalah sebanyak 680,200 liter minyak petrol bernilai RM5,523,410," katanya ketika dihubungi, semalam.

Menurutnya, mereka yang ditahan dan barangan rampasan diserahkan kepada Kementerian Perdagangan Dalam Negeri dan Hal Ehwal Pengguna untuk tindakan lanjut.

Katanya, kes disiasat mengikut Seksyen 20(1) Akta Kawalan Bekalan 1961.

"Semua individu ditahan berusia lingkungan 26 hingga 42 tahun"

Abdul Rani



KAPAL yang digunakan untuk membawa minyak.

Apabila amanah diberikan diseleweng...

KERAJAAN dilihat terus konsisten membantu rakyat mendapatkan bekalan minyak masak pada harga stabil dengan menyediakan bekalan minyak masak bersubsidi. Ia dijual di pasaran dalam bentuk paket yang boleh didapati di kedai runcit dan pasar raya utama di Malaysia.

Namun, kerap dilaporkan berlaku penyelewengan minyak masak bersubsidi oleh pihak yang telah diberikan amanah. Ia adalah isu ketirisan yang mengakibatkan kerajaan kerugian ratusan juta ringgit.

Terbaharu pada Rabu, Ketua Pegawai Eksekutif Lembaga Hasil Dalam Negeri (LHDN), Datuk Mohd Nizom Sairi mendedahkan sebanyak 63 syarikat dikesan menjalankan kegiatan penyelewengan subsidi minyak masak membabitkan cukai tidak berbayar berjumlah RM200 juta.

Jelas beliau, antara modus operandi penyelewengan subsidi minyak masak itu adalah syarikat berkenaan mendapatkan bekalan bersubsidi daripada syarikat pembekal dengan menggunakan lesen lain untuk dijual pada harga pasaran, selain mengupah pihak ketiga menguruskan pemindahan minyak masak bagi tujuan penjualan ke luar negara dan syarikat menuntut subsidi tetapi tiada sebarang penjualan minyak masak paket.

Ketirisan yang berlaku inilah menyebabkan bekalan minyak masak bersubsidi berkurangan di pasaran dan menjadi keluhan rakyat serta peniaga kecil. Bagi mengelak ketirisan dalam pembekalan barang kawalan tersebut, syarikat pembungkusan minyak masak yang dilantik Kementerian Perdagangan Dalam Negeri dan Hal Ehwal Pengguna perlulah mematuhi syarat yang ditetapkan. Pastikan ia sampai kepada golongan sasaran.

Pada masa sama, pihak-pihak berkenaan perlu merangka strategi lebih komprehensif bagi mengatasi masalah itu. Jika terbukti menyeleweng, gantung lesen mereka dan kuota pengeluaran minyak masak bersubsidi akan diambil alih oleh syarikat lain. Bagi tindakan jangka pendek, perlulah selalu turun padang memantau keadaan.

Apa pun, selagi rasuah menjadi amalan, selagi itulah penyelewengan dan isu ketirisan takkan pernah selesai. Akhirnya nanti, yang menjadi mangsa adalah rakyat, yang merasai keperitannya adalah rakyat dan yang terus menderita adalah rakyat terutama golongan B40. Mereka sukar mendapatkan minyak masak pada harga berpatutan, apatah lagi untuk mendapatkannya di pasaran.

HARI	:	<u>JUMAAAT</u>
TARIKH	:	<u>25/03/2022</u>
M/SURAT	:	<u>16</u>

Senarai Harga Barang Keperluan		Senarai Harga Barang Keperluan		Senarai Harga Barang Keperluan		Senarai Harga Barang Keperluan	
• Ayam	RM5.99	• Telur Gred A	RM12.45	• Gula Pasir	RM2.85	• Cili Merah	RM9.90
• Daging Lembu Tempatan	RM42.99	• Ikan Kembung	RM13.99	• Bawang Besar Holland	RM2.50	• Kubis Bulat Tempatan	RM2.79
• Daging Lembu Import	RM28	• Minyak Masak	RM6.70	• Bawang Putih	RM5.50	• Tepung Gandum	RM2.20

*Harga (RM/kg) Sumber: KPDNHEP